


<https://news.usm.my>

Berita Mutakhir


25  
JUL

## USM JALIN KOLABORASI BANTU PERKASA PENDIDIKAN KHAS

 11745630 10207186718730692 8209629975963997324 n


PULAU PINANG, 25 Julai 2015 - Universiti Sains Malaysia (USM) sedia menjalin kolaborasi untuk membantu memperkasa pendidikan khas untuk membantu anak-anak istimewa di negara ini.

Demikian kata Naib Canselor Universiti Sains Malaysia (USM) Profesor Dato' Dr. Omar Osman ketika menyampaikan ucapan merasmikan Temasya Sukan Tahunan Sekolah Kebangsaan Pendidikan Khas Persekutuan (SKPKP) Kali ke-28 Tahun 2015 pagi ini.

 11755918 10207186717250655 938810000103225082 n

Menurut Omar, USM menyokong penuh usaha meningkatkan kualiti pelajar merentasi apa jua perbezaan yang ada apatah lagi dalam kalangan mereka yang amat istimewa ini dan bersedia dengan segala kepakaran dan program yang ada terutamanya di Pusat Pengajian Ilmu Pendidikan mahupun dalam kalangan sukarelawan yang ada untuk bersama-sama turun padang membantu apa sahaja yang termampu.


"Sebagai sebuah universiti yang prihatin dan berusaha membantu masyarakat dalam semua golongan termasuk yang kelainan upaya dan istimewa untuk mengambil bahagian dalam proses pendidikan demi masa hadapan yang bermakna untuk semua, USM juga komited untuk terlibat sama dalam program komuniti seperti ini di masa akan datang," tambahnya lagi.


 11800003 10207186717690666 6189231284855538306 n

Tambah Naib Canselor, SKPKP misalnya yang berlatarbelakangkan sekolah murid berkeperluan khas berpotensi dan berkebolehan melahirkan murid-murid yang bukan sahaja cemerlang dalam bidang akademik malah cemerlang juga dalam kegiatan sukan dan kokurikulum di peringkat daerah, negeri dan kebangsaan mahupun antarabangsa.

Guru Besar SKPKP Norisham Abd Shukor pula berterima kasih kepada USM dan berharap kerjasama antara sekolah dan institusi pengajian tinggi seumpama ini dapat membuka satu lembaran baru untuk bekerjasama dalam bidang yang difikirkan sesuai.

"Saya berharap juga USM yang mempunyai kepakaran dan kemudahan bidang tertentu dapat membantu untuk kebaikan murid kelainan upaya ini, serta dapat juga membantu guru-guru pendidikan khas ini untuk tingkatkan kompetensi dan memberi impak dalam bidang pendidikan kurang pendengaran ini," tambahnya lagi.


 11701209 10207186720050725 7436735331995255561 n

 11745360 10207186722010774 7710141623618085511 n

Guru SKPKP, Mohd Husni Haji Mahamad, 26, amat berharap hubungan yang lebih akrab dapat dijalinkan antara USM dan SKPKP melalui pelbagai kolaborasi yang bersesuaian.

"Adalah juga menjadi harapan kami guru-guru dan murid-murid SKPKP untuk mendapat perhatian dan layanan yang sama rata agar dapat terus berjaya walaupun kelainan upaya," kata Mohd Husni.

 11750643 10207186719450710 4895394550257648379 n

 11800187 10207186721010749 1318757484126455976 n

SKPKP mempunyai 23 orang guru dan 33 orang pelajar kelainan upaya pendengaran.

Yang turut hadir ke temasya sukan ini adalah Pengerusi Lembaga Pengelola Sekolah Dato' Saleena Yahaya-Isa.

Teks & Foto: Hafiz Meah Ghouse Meah



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015